

INICIO DI SINDICALISMO NA ARUBA



ORANJESTAD(AAN)- Un di e promer accionnan conhunto di trahadoman Arubiano a tuma lugar na aña 1827 ora cu un grupo di hende



muher na Noord kier a bati un Ingles pa motibo di desacuerdo encunto pago. Ora cu e migracion pa entre otro Cuba y Panama a tuma lugar, nos ta mira cu ta e trahador Arubiano ta pidi/exigi condicionnan promer cu nan bay.

Promer cu establecimiento di Lago na 1924 e otro mayor empleadonan relativamente grandi tabata Aruba Fosfaat Maatschappij cu tabata saca fosfaat na San Nicolaas y Aruba Gold Mining cu tabata dedica su mes na actividadnan minero pa oro.

Pues cu e yegada di Lago nos por bisa cu a cuminsa un epoca duradero di industrializacion. Den e mesun aña aki e trahadornan Arubiano den servicio di Curacaosche Petroleum Maatschappij na Curacao ta welga pa mihor condicionnan di trabao y di bida.

Na 1939 Srs. Henny Eman y Frist Craane ta lanta e Arubaanse Arbeiders Bond cual organisacion a agrupa trahadoman di Lago y nabegantenan Antiyano ariba e tanqueronan cu tabata transporta petroleo.

E interes primordial cu e organisadoman di e bond aki tabatin tabata pa sirbi metanan di partido politico.

Pues e bond aki no a dura mucho. Den e epoca aki tambe e empleadonan publico ta lanta nan propio organisacion cu na inicio no tabata tin tur característica di un sindicato, pero mas bien tabata parce un club social y cu den curso di añanan toch a logra

bastante beneficio pa e empleadonan publico manera: pensioen, kindertoelage, continuatoelage y otro.

Ariba tereno di Lago nos ta mira cu e cuponan di trabao a bira grandi y den curso di aña 1945 e compania ta promove e asina yama advisory council y na 1950, Lago Employee Council, esaki mas bien pa trata na calma e trahadoman cu mas y mas tabata birando consiente di nan situacion y

exigi adelantonan.

Mester menciona cu ta e compania tabata apunta e representantenan.

Den e epoca aki tambe ainda tabata na vigor un articulo di codigo penal cu tabata prohibi pa strike. E solo hecho di menciona e palabra strike por a conduci na un encarcelamento di cuater dia. Igualmente no tabata permiti pa forma sindicato durante segunda guerra mundial.